



13
1969
26



門 1 3
號 1969
卷 26

門 1 3
號 1969
卷 5

初學記石首魚初二

水族類三



初學記石首魚初二出水能鳴夜視有光服其石能下石
淋魚鱗色甚黃如金和蓴菜作羹謂之金羹玉飯藪而
食之名爲鯨炙食之主消瓜成水 吳地記關廬十年
東夷侵吳王入海逐之據沙洲上相守月餘屬時風濤
糧不得渡王焚香禱之言訖東風大震水上見金色逼
海而來遶吳王沙洲百匝所司撈漉得魚食之美三軍
踊躍夷人一魚不獲遂送降欵吳王將魚腹腸肚以鹹
水淹之送與夷人 吳王歸思海中所食魚問

各收皆百卷之三水族類 石首

早稻田大學圖書館
昭和 26.11.1 受
藏 書

所餘所司云並曝乾王素之其味美因書美下著魚是
為養字今從養非也魚出海中作金色不知其各吳王
見腦中有骨如白石號為石首魚物產志石首魚似
鮫而小尾巖皆黃色一名黃魚張勗吳錄婁縣有石
首魚至秋化為冠鱗山堂肆考石首魚能鳴網師以
長竹筒插水以聽之聞其鳴則下網每獲至千餘以鹽
醃之曝乾名曰白鯊浙人呼為養魚華夷鳥獸考魚
首有魷堅如石故名冬月得之又緊皮者良三月八月
出者次之至四月五月海郡民發巨剝入洋山號取有
潮汎往來謂之洋山魚爾雅翼石首魚一名鱣五
雜俎韋昭春秋外傳注石首成鮪鮪鴨也今海濱石首

至今未聞有化鴨者博物志鮪鮪即石首魚常以三
月八月出爾雅翼諸魚乾者皆為養美不及石首故
獨得白之名呼白鯊若露風色變紅則失味養魚經
石首魚閩謂之金鱗又謂之黃瓜事物原始石首魚
腹中之膠可以作膠呂向謂魚當無聲音有聲者悞不
知海中捕石首魚者以竹筒聽之其聲如雷魚來候也
上林賦云魚鱉譙聲可証倦游雜錄黃魚為鰣鰣
兩航雜錄鱣魚即石首魚也小者曰鮪魚又名躑魚最
小者名梅首又名梅童其次名春來土人以槐荳花卜
其多寡槐荳花繁則魚盛腦中有白石如碁子取其石
次以為器或飲食遇毒則暴裂腦漏者用其石燒灰吹

入鼻中即愈又下石淋炙食之主消瓜成水諸魚有血
石首獨無血僧人謂之菩薩魚至有齋食而啖者臨
海異物志又有石頭長七八寸與石首同韻表錄異
石頭魚狀如鱈魚隨其大小腦中有二石子如蕎麥瑩
白如玉有好奇者多市魚之小者貯於竹器任其壞爛
即餉之取其魚腦石子以插酒籌頗脫俗異物志石
首小者名踏水即梅魚也似石首而小黃金色味頗佳
頭大於身人呼為梅大頭出四明梅山洋故各梅魚或
云梅熟魚來故名正字通梅似鱧而小一名黃花魚
福溫多有之溫海志各黃靈魚即小首魚首亦有石
首史物性志鱈形似石首魚左右三牙如鐵鋸或曰石

首雄鱈雌也

鱈

兩航雜錄鱈魚首夏以時至而各寧波府志箭魚即
江湖鱈魚海出者最大甘肥異常腹下細骨如箭鏃俗
名箭魚山堂肆考鱈魚味美在皮鱗之交故食不夫
鱈而出富陽者尤美此東坡有鱈魚多骨之恨也養
魚經鱈魚盛於四月鱗白如銀其味甘美多骨而速腐
廣州謂之三鯨之魚閩志曰大者長數尺春未有之
揚慎外集時魚似魴厥味肥嫩品高江東價百鱈鮪界
江而西謂之瘟魚棄而不餌袁達禽蟲述鱈胃網不
動護其鱗也鱈用石灰水浸之暴乾可作女人花細

本草鮐魚補虛勞稍發疔痼

鮐

六書故鮐魚海中所產以其皮如沙得各咬口無鱗胎
生其類尤多大者伐之盈舟海語鮐有二種魚麗之
鮐蓋聞廣江漢之常產海鮐虎頭鮐體黑紋鱗足巨者
餘二百觔常以春晦步於海山之麓旬日而化為虎惟
四足難化經月乃成矣或曰虎紋直而疎且長者鮐化
也兩柄成章者常虎也山堂肆考鮐魚中有犁頭鮐
頭似犁鑿而長尖銳刺人有香鮐體有香氣有鬘斗鮐
頭如鬘斗有了鬘鮐頭如了鬘有劍鮐長嘴如劍對排
牙棘人不敢近又有名狗鮐者狗頭魚身聲如狗吠形

類彈塗而大大者長丈餘好伏泥塗中而吠見人則驚
入水寧波府志鮐魚有白睛鮐黃頭鮐白眼鮐白蕩
鮐青頭鮐斑鮐牛皮鮐鹿文鮐鰻鮐鮐鮐燕尾鮐刺鮐
鮐鮐鹿鮐其類甚多爾雅翼大而長喙如鋸者曰胡
鮐性善肉美小而皮粗者曰白鮐肉強有小毒潛確
類書蚊鮐似蚊而鼻長皮可飾劍湖鮐青色背上有沙
鬘鬘泡去外皮有絲作胎瑩若銀絲五雜俎鮐魚重
數百斤其大專車鋸牙鈎齒其力如虎漁者投餌卽中
徐而牽之怒則復縱如此數次俟至岸側少困其拽出
水卽以利刃斷首少遲恐有掀騰之患故市肆者未嘗
見其首余在真州藥肆中見之猛寧猶怖人也蓋鮐魚

乃鱧類耳

本草李時珍曰鱧與鯊一類而數種大者

尾長數尺能傷人皮皆有沙如珍珠斑其背有珠文如

鹿而堅強者曰鹿鯊亦曰白鯊云能變鹿背有斑文如

虎而堅強者曰虎鯊亦曰胡鯊云虎魚所化鼻前有骨

如斧能擊物壞舟曰鋸鯊又曰擬額魚曰鱧謂鼻骨

如鐮斧也通雅鮫海鯊魚之最大者也交州記鮫

魚出合浦長三尺背上有甲珠文堅強可以飾刀口又

可以鑿物交州異物志鮫之為魚其子既育驚必歸

母還入其腹小則如之大則不復爾雅翼鮫出南海

形似鱉無脚有尾今謂鯊魚南人皆鹽為脯一名鮫

正字通左思吳都賦有鮫又有鱧鱧釋者以背上有珠

文為鮫橫骨在鼻前如斤者為鱧鱧蓋鮫白鯊也鱧鱧

胡鯊也異物志鱧鱧魚所擊無不中斷臨海水土

記鱧魚鹿文青目臨海異物志虎鱧長五丈黃黑斑

耳目齒牙有似虎形唯無毛或曰變乃成虎又有蝦鱧

尾似蝦兩航雜錄鱧魚長二丈大數圍小者圍廣尺

餘背粗錯有文一名鮫魚一統志鱧魚大盈丈腹有

洞貯水以養其子西陽雜俎章安縣出鱧魚類赤如

金腹下正白魚子生後朝出索食暮入母腹出從口入

從臍腹中容四子甚健網不能制俗呼為河伯健兒

鱧鱧

養魚經江海之產有鱧鱧之魚其長丈餘鼻端有肉骨

四分身之一兩頰之肉謂之鹿頭可以為昨京口錄云
 是兩種鱈肉之色白鱈肉之色黃廣州謂之鱈龍之魚
 云類龍而無角 山堂肆考鱈一作鱈似鱈而大江
 湖皆有之鼻長如鶴嘴故又名鶴嘴魚無鱗有青黑斑
 文作鮮甚美口在頰下一名鱈魚 西陽雜俎東海
 漁人言近獲魚長五六尺腸胃成胡鹿刀槩之狀號秦
 皇魚 水族加恩簿食龍候鱈謂鱈也宜授添尉大監

鱈

說文鱈魚巨口細鱗 寧波志鱈魚身有黑點作鮮最
 良 續韻府天下之鱈皆兩腮惟松江鱈四腮 談苑
 松江鱈魚長橋南所出者四腮天生贈材也味美肉緊

切不終日色不變橋北近崑山大江入海所出者三腮
 味帶鹹肉稍慢迥不及松江所出 天業拾遺錄六年
 吳郡獻松江鱈魚乾贈鱈魚肉白如雪不腥所謂金齋
 玉膾東南之嘉味也 天書故海鱈大者四五尺其肉
 羶者尤美 金谷園記鱈魚秋仲由海而入江可以作
 膾 京口錄鱈有二種曰脆鱈曰爛鱈 華夷鳥獸考
 海中四腮鱈皮緊脆而肉厚呼曰脆鱈有江鱈差小而
 兩腮味淡有塘鱈雖巨而不脆 河圖挺佐輔黃帝至
 於翠瀉之川有大鱈魚折漚而至五色畢具魚汎白圖
 蘭葉朱文以授黃帝名曰錄圖 謝玄與兄書北固山
 下大有鱈魚一出手釣得四十九枚 水族加恩簿盧

游臣

謂鮓

宜授橙壘錄事守招賢使者

鮓魚

異物志鮓魚形如鯢長七尺吳會稽臨海皆有之
 書故鮓今鹹淡水中者長不踰尺搏身椎首而肥俗謂
 之鮓海亦有之
 兩航雜錄鮓魚似鯉生淺海中專食
 泥身圓口小骨軟肉細介象與吳王共論魚以鮓魚為
 上取其益陰
 養魚經鮓魚松之人於潮泥地鑿仲春
 潮水中捕盈寸者養之秋而盈尺腹背皆腴為池魚之
 最是食泥與百藥無忌京口錄云頭扁而骨軟閩志云
 目赤而身圓口小而鱗黑其魚至冬能牽破而自藏
 物產志鮓魚性慧不入網罟海人以長網圍之俟潮退

取之肉厚味絕美凡海中魚多以大噬小惟鮓魚不食
 其類鮓一作鱖一作鮓

鮓魚

玉得臣塵史鮓魚閩中鮮食最珍者長七八寸闊二三
 寸剖之子滿腹冬月正其佳時莆田迎仙鎮乃其出處
 驛左有祠謂之通應侯祠有水曰通溪潮汐上下土人
 以鹹淡水不相入處魚最美
 捫蝨新話泉州有通應
 侯廟其下臨海出子魚甚美世呼通應子魚者記所出
 也荆公詩遂誤用謂長魚俎上通三印東坡又以通印
 子魚對披綿黃雀此皆是傳聞之誤
 遜齋閒覽莆陽
 通應子魚名著天下今人必求其大者可容印謂之通

印子魚此傳聞之訛者

鯨

爾雅鯨鯨刀註今之鯨魚也亦呼為鯨魚 說文鯨魚

飲而不食 養魚經鯨魚狹薄而首大長者盈尺其形

如刀俗呼刀鯨初春而出於湖 寧波府志鯨魚子多

而肥夏初曝乾可以致遠鄧璞江賦曰鯨鯨順時而往

還常以三月八月出故曰順時 兩航雜錄鯨魚即刀

魚一名鯨腹背似刀又名鯨魚文字集畧鯨亦作鯨又

音制 三輔決錄鯨魚肥炙甚美諺云寧去累世宅不

棄鯨魚額 彙苑詳註鯨魚枝身多鯨長不五六寸味

極肥腴以糟泄之可作湯 山堂肆考鯨一作鯨本草

鯨魚有鱗長尾扁身 戒菴漫筆子鯨又有一種小而

無子者各省鯨不佳 水族加恩簿惟爾白圭夫子鯨

地貌則清臞材極美俊宜授骨鯨卿 本草鯨魚一名

鯨魚一名鯨魚一名望魚一名鯨魚 魏武四時食制

望魚側如刀可以割草出豫章 異物志鯨魚仲夏始

從海中泝流而上腹下如刀長尺餘項上細骨如毛在

肉中又有禽腎在腹中初立夏有白鳥似鸞羣飛謂之

鯨魚鳥至仲夏鳥藏而魚出變化所生

鯨

養魚經鯨魚腹下之骨如鋸可勒故各出與石首同時

海人以水養之而鬻於諸郡謂之冰鯨 潛確類書助

魚似鱗魚而小身薄骨細冬月出者名雪映魚味佳至夏則味減矣率以夏至前後為期

鱣

詩義疏鱣出江海三月中從河上身形似龍銳頭口在頷下背上腹下皆有甲縱廣四五尺今於盟津東石磧上鉤取之大者千餘觔可蒸為臠又可為炸魚子可為醬魏武食制鱣大如五斗甌長一丈彙苑詳註鱣鱣屬也長數丈而骨可啖似黃鱸而長埤雅鱣肉黃似鱣口在頷下無鱗長鼻軟骨俗謂之玉板大者長二三丈江東呼黃魚庶物異名疏玉板黃魚言肉色也雜俎蜀中每煞黃魚天必陰雨爾雅翼大者曰玉

鱣

鱣

寧波府志鱣一名鱣魚身扁而銳狀若鐮刀身有兩斜角尾如燕尾細鱗如粟骨軟肉曰其味甘美春晚最肥俗又呼為娼魚以其與諸魚羣故名山堂肆考鱣魚一名昌侯魚縮項扁身似魴而短鱗細色白生海中楊慎外集鱣魚只有一脊骨治之以薑葱無之以糗米其骨亦軟食之無餘俗號狗睡魚事物紺珠鱣魚兩肋下有犬肉如炙鬻形似魴而腦上突起連背而圓肉甚厚白如凝脂

紅

水族類

西陽雜俎黃魚音魚色黃無鱗頭尖身似大柳葉口在
 額下眼後有耳竅通於腦尾長一尺末三刺甚毒
 書故魚海魚無鱗狀如蝙蝠大者如車輪興化府志
 魚魚頭圓禿如燕其身圓扁如簸箕尾圓長如牛尾其
 尾極毒能整人有中之者連日夜號呼不止以其首似
 燕故又名燕魚以其尾言故又名牛尾魚福州人食
 味重此兩航雜錄魚形圓似扇無鱗色紫黑口在
 腹下尾長於身如狸鼠其最大者鯨其次曰鯨魚口黃
 魚曰斑魚曰牛魚曰虎魚紅字或作鯨文選所謂鯨魚
 也大抵諸魚性熱而海魚尤熱不可常食事物原始
 魚魚尾稍有一骨長二三寸人若被其一刺者急煮魚

扈竹及海獺皮解之可救一刺者困甚中三刺者死其
 脂熬油可燃燈山堂肆考鯨魚亦胎生其子出入母
 腹形如覆笠有肉刺能刺人

章魚

稗談海上鱗族異者名章推大者名石拒居石穴人取
 之能以脚黏石拒人故名環史章舉一名章魚一名
 章拒一名章鋸以其足似鋸也形類烏賊而小閩部
 疏莆人於海味最重鱗魚形雖不雅而味美於烏賊
 寧波府志章舉形如大算袋八足長二三尺足上戢戢
 如釘每釘有竅陽江縣志章魚足數寸獨二足長尺
 許而名密綴肉如白曰吸物絕有力就淺水伴死鳥信

而啄之則舉其足以取螭螭尤苦其毒遇海濤急以長足日破石自固今之船碇效焉水族加恩簿章邱大都督忠美侯滄浪頭謂章拒也隱浪色奇入甌稱最可靈淵國上相嶺表錄異章舉之類有小者兩足如帶曝乾後似射踏子故南中呼為射踏子也

烏鰂

埤雅烏鰂八足絕短者集足在口縮喙在腹懷板含墨志曰烏鰂懷墨而知禮舊說烏鰂有可遇風則蚪前一鬚下可一名纜魚風波稍急即以其鬚為纜蓋此魚每遇大風遠岸則蚪前一鬚為可近岸則黏前一鬚為纜豕穀子此魚每遇漁舟即吐墨染水令黑以混其身

漁人見水黑則知是網之大獲埤雅烏鰂肉白皮黑無鱗有鬚蜀本草木圖經云鵝即此是也義訓云寒鳥入水謂之烏鰂南越記烏鰂魚常自浮水上烏凡以為死便啄之乃卷取烏故謂烏鰂魚酉陽雜俎烏鰂舊說名河伯從事遇大魚輒放墨方數尺以混身江東人或其取其墨書契以脫人財物書迹如淡墨逾年字消唯空紙耳海人言昔秦王東遊乘算袋於海化為此魚形如算袋兩帶極長本草經烏鰂魚骨治寒熱驚風臨海異物志烏鰂之骨其大如楯盾者一枚作鮓滿器受五升庶物異名疏鑽管似烏鰂而小色紫輿化府志鑽管大如指其身圓直如鑽管其首有薄骨插

入管中如鎖鬚亦有罌有黃或結子如白飯煮熟其白如玉笋其味甘脆或醃食之宜薦酒或謂之淨瓶魚

鯨

箭表錄異水母廣州謂之水母閩謂之鯨反凝駕其形乃

渾然凝結一物有淡紫色者有白色者大如覆帽小者

如盤腸下有物如懸絮俗謂之足而無口眼常有數十

蝦寄腹下啣食其涎浮泛水上捕者或遇之即歛然而

沒乃是蝦有所見耳感絕書云海鏡蟹南中好食之云

性暖治河魚之疾然甚腥須以草木灰點生油再三洗

之瑩淨如水精紫玉肉厚可二寸薄處亦寸餘先煮椒

桂或荳蔻生薑縷切而燉之或以五辣肉醋或以蝦醋

如鱸食之最宜蝦醋亦物類相攝耳水母本陰海凝結

之物食而煖補其理未詳博物志東海有物狀如蚌

血縱廣數尺正方圓名曰鮓魚無頭目無腹臟所處則

衆蝦附之隨其東西南北越人煮食之北戶錄水母

一名鮓一名石鏡廣韻水母各蟻形如羊胃無目又

名海鮓農田餘語今之水母俗稱游鰲或作游鰲

雨航雜錄鮓魚俗所謂游鰲也雨水多則是物盛其

如覆笠土人食之皆以為去積其實損脾庶物異名

疏水母俗名海舌濛濛如沫有知識無耳目本草一

名搏捕魚生東海如血鮓大者如牀小者如斗山堂

肆考按水母生海中四五月初生如帶至六月漸大如

盤形似白綿絮而無耳目口鼻鱗骨一段赤色破碎者謂之頭其肉如水晶以明鑿醜之吳人呼為水晶鮮久則漸薄如紙俗呼為白皮紙水族加恩簿借眼公謂母受體不全兩相藉賴宜授同體合用功臣左右肅篤海將軍

比目魚

爾雅東方有比目魚焉不比不行其名謂之鰈註狀如牛牌鱗細紫黑色一眼兩片相合乃得行今水中所在有之江東又呼為玉餘魚臨海異物志比目魚似左右分魚南越謂之板魚亦謂之箬葉魚嶺表錄異南人謂之鞋屈魚淮江謂之拖沙魚正字通臨海志云

婢履魚風土記云奴履魚皆鰈之別名北戶錄比目

魚一名鱗亦曰生介介亦作鮓唐韻鮓比目魚也雨

航雜錄比目魚二魚相合乃行單則為王餘又竹火魚

似比目而肉堅身圓尾尖青黑一名土鱧尚書中候

帝王將興比目魚出鄭註比目魚曰東

吹沙魚

詩疏鮓吹沙也似鯽魚狹而小體圓而有點一名重唇常張口吹沙異物志吹沙長三寸許背上有刺螫人

埤雅釋魚云鮓鮓今吹沙小魚性善沉大如指狹圓

而長常沙中行亦於沙中乳子兩航雜錄鮓鮓春正

月輒至魚最先至者雷青日札吹沙魚爾雅各鮓鮓

海濱人呼曰新婦骨以為珍品

河豚 附江豚

養魚經河豚出於江海有大毒能殺人無賴無鱗與口
目能開鬪能作聲是鱗中之毒品也凡烹調者腹之子
目之精脊之血必盡棄之洎二皮肉肝之有斑眼之赤
肝之獨包鉗之一異俱不可食凡洗宜極淨煮宜極熟
治之不中度不熟則毒於人 〔談苑〕河豚瞑目切齒其
狀可惡不中度多死棄其腸與子飛鳥不食誤食必死
登州瀕海人取其白肉為脯先以海水淨洗換海水浸
之暴於日中以重物壓其上須候四日乃去所壓之物
傳之以鹽再暴乃成如不及四日則肉猶活也太守李

大夫嘗以三日去所壓之物俄頃肉自盆中躍出乃知
淪之不熟真能殺人也 〔兩航雜錄〕河豚腹無膽頭無
腮其肝最毒獨眼者尤甚海上人得之去其頭尾用楸
攪甘蔗煮之然初出時可食至後則其毒尤甚諺曰蘆
青長一尺不與河豚作主客予鄉亦盛食之春時延客
不得此為不敬然往往有食而死者或曰煮熟則無患
多食亦發蕩厚生者所當戒 〔彙苑〕河豚與荆芥等風
藥相反服風藥而食之者即死 〔楓櫓小牘〕東坡謂食
河鮑值得一死余過平江姻家張諫院言南來無他快
事祇學得手煮河鮑耳須臾烹煮對余方且共食忽有
客見顧俱起筵效為猫翻盆犬復佐食頃之猫犬皆死

幸矣哉奪兩人於猫犬之口也乃汴中食店以假河鮪
餉人以今念之亦足半死天一詩話梅聖俞嘗於范
希文席上賦河鮪魚詩云春洲生荻芽春岸飛揚花河
鮪當是時貴不數魚蝦河鮪常出於春暮羣遊水上食
絮而肥南人多與荻芽爲羹云最美故知詩者謂祗破
題兩句已道盡河鮪好處風月堂詩話晁季一檢詩
常爲予言歸田錄所記聖俞賦河鮪云云則是食河鮪
時正在二月而吾妻家毘陵人爭新相問遺會賓客惟
恐後時價雖高無吝色多在臘月過上元則不復貴重
所食時節與歐公稱賞聖俞絕不相同豈聖俞賦詩之
地與毘陵異邪風氣所產隨地有早晚亦未可一槩論

也石林詩話歐陽公稱梅聖俞河鮪詩謂河鮪出於
暮春食柳絮而肥殆不然今浙人食河鮪始於上元前
常州江陰最先得方出時一尾至直千錢然不多得非
富人家預以金噉漁人未易致二月後日益多一尾
纔百錢耳柳絮時人已不食謂之斑子或言其腹中生
蟲故惡之而江西人始得食蓋河鮪出於海初與潮俱
上至春淡其類稍流入於江公吉州人故所記者江西
事也蟬史吳人珍河鮪品其腹腴爲西施乳物理
小識河鮪愛五色縷人因以取之張耒明道雜志河
鮪魚水族之奇味也而世傳以爲有毒能殺人中毒則
覺脹亟取不潔食乃可解不爾必死余時守丹陽及宣

城見土人尸食之其烹煮亦無法但用蔓蒿荻笋菘菜
三物云最相宜用菘以滲其膏耳而未嘗見死者或云
土人習之故不傷是大不然蘇子瞻是蜀人守揚州晁
無咎濟州人作倅河豚出時每自食之二人了無所覺
但愛其珍美而已南人言魚無類無鱗與目能開闔及
作聲者有毒而河豚備此五者故人畏之而此魚自有
二種色淡黑有文點謂之斑子云能毒人而土人亦不
甚以捕也蘇子瞻在資善堂與數人談河豚之美諸人
極口譬喻稱贊子瞻但云噤其味真是消得一死人服
以爲精要余在真州會上食假河豚是用江魴作之味
極珍有一官使謂余曰河豚肉味頗類魴而過之又魴

無脂痺也脂脾河豚腹中白膜也土人謂之西施乳此
無咎謂味似縵鱧而肉差緊多食不令人逆此魚出時
必成羣一網取數十初出時雖其鄉亦甚貴在仲春間
吳人此時會客無此魚則非盛會其美尤宜再溫吳人
多晨烹之羹成候客至率再溫以進或云其子不可食
其子如一大粟而浸之經宿大如彈丸也或云中其毒
者亦不必食不潔水調炒槐花末及龍腦水皆可解余
見人有說中此毒急服至寶丹亦解橄欖最解魚毒其
羹中多用之而吳人悉不論此直云用不潔解河豚是
戲語耳惡烏頭附子之屬丁隲吳人因食河豚而死或
云丁自中風非因食魚 五雜俎河豚最毒能殺人聞

廣所產甚小然猶犬鳥為之屬食之無不立死者而三
吳之人以珍品其脂名西施乳及其肝尤美所忌血與
子耳其子亦有食者少以鹽漬之用臘脂染不紅者即
有毒紅者無毒可食一云烹時用傘遮蓋塵墜其中則
殺人中毒者橄欖汁及蔗漿解之然千百無一二也
西陽雜俎鮫魚肝與子俱毒艾能止其毒鮫魚即陶九
成輟耕錄中河豚毒者槐花微炒與乾臘脂等分同搗
粉水調灌之良毛勝水族加恩種黃薦可謂河兩澤
嫩可貴然失於經治敗傷厥毒故世以醉疵隱士為爾
之目特授三德尉兼春榮小供奉山海經少咸山敦
水東流注於雁門之水中多鮫鮫之魚食之殺人註音

沛本草綱目鮫鮫即河豚演繁露類篇魚部引博
雅云鮫鮫鮫之鮫也背青腹白觸物即怒其肝殺人正
今人名為河豚者也然則豚當為鮫異物志鮫鮫魚
狀如科斗大者尺餘腹下白背上青黑有黃文性有毒
雖小獺及大魚不敢啖之蒸煮啖之肥美豫章人珍之
名義考鮫鮫河豚也寧波府志鮫或作鮫一名河
豚觸物輒噴腹脹如鞠浮於水上一名噴魚爾雅翼
鯢今之河豚每三頭相從號為一部諺云得一部典一
磅冬至日輒至應中孚十一月卦信及豚魚河豚也
通雅鮫鮫鮫鮫皆今之河豚亦曰烏狼一日探魚黃
者曰黃鮫本草一名吹肚魚又名氣包魚物類志

水豚類 河豚 正豚

胡夷魚卽河豚 臨海記 鱈魚卽河豚之大者 戒菴

漫筆 河豚大者名青即若小者名斑鬼 食物本草 鱈

魚形似河鮪而小背青有斑文無鱗尾不岐腹白有刺

亦善噴噴之則腹脹大圓緊如鞠仰浮水面 養魚經

斑魚似河豚而小食者雖無恙然亦是其種類非絕之

可也 鮪 鳥獸考 又一等名曰白河豚又名鮪魚其

狀相類無毒 楊慎外集 鮪魚一名水底羊

江豚 說文 江豚一名鱣鯨逢風則涌一名鱣魚一名

奔鯨 史記正義 江豚名鱣鯨 魏武帝四時食制 鱣

鱣之魚出淮及五湖黃肥不可食大如白魴豬數枚相

隨沉浮自如 酉陽雜俎 奔鯨一名鱣非魚非蛟大如

船長二三丈若鮎有兩孔在腹下雌雄陰陽類人取其

子著岸上聲如嬰兒啼頂上有孔通頭氣出赫赫作聲

必大風行者以為候相傳嬾婦所化殺一頭得膏三四

兩取之燒燈照讀書紡織輒暗照懽樂之處則明 山

堂肆考 江豚俗呼拜江豬狀似狗鼻中有聲腦上有孔

噴水直上出入波浪中無鱗色黑 本草 江豚大如豬

數枚同行一浮一沒謂之拜風郭璞賦海豨江豚是也

其子如蠶魚子隨母行人取其子繫水中其母自來就

而取之 水族加恩簿 也 江小 鱣謂江授追風使

鱣 事物原始 鱣魚色蒼而鱗細有膠無膽 兩航雜錄 鮪

水族類 江豚 鱣

格致鏡原卷九十二
樂清志所謂鯨魚是也。一日茅狂。寧波府志鯨魚狀似鱸而肉麤。三腮曰鮓。四腮曰茅鮓。小者曰鮓姑。田九成遊覽志鯨魚每歲四月自海洋綿亘數里聲如雷海人下網截流取之。

格致鏡原卷九十二終

格致鏡原卷九十三

水族類

鯨

崔豹古今注鯨海魚也大者長千里小者數千步一生數萬子常以五月六月就岸邊生子至七月八月引其子入海中鼓浪成雷噴沫成雨水族驚畏之一皆逃匿莫敢當者其雌曰鮓大者亦長千里宋玄虛海賦魚則橫海之鯨突兀孤游巨鱗刺雲洪鬚插天頭顱成嶽流膏爲淵魏武四時食制東海有大魚如山長五六里謂之鯨鮓次有如屋者時死岸上膏流九頃其鬚長一丈廣三尺厚六寸瞳子如三升椀唐書開元七年

大拂遑鞞羯獻鯨鯢。晴。〔寰宇記〕有人往林邑於海嶼

上得鯨頭骨如數百斛。因頂上一孔大如囊。俗以為珠

穴。〔述異記〕南海有明珠。即鯨魚目。瞳可以鑿。俗謂之

夜光。〔金樓子〕鯨鯢出穴。則水溢為潮。鯨出入有節。故

潮有期。〔翻譯名義集〕摩竭。或摩伽羅。此云鯨魚。〔華

夷志〕海中大魚。口可容舟。其名曰摩竭。〔淮南子〕鯨魚

死而彗星出。〔西京雜記〕漢武昆明池養魚。往往飛去

後。刻石為鯨魚。置水中。魚乃不飛去。每雷雨。鯨常鳴。吼

盧尾皆動。〔朝野僉載〕開元初。石鯨吼。歲大旱。

爾雅翼。鯨魚長數千里。穴居海底。入穴則海水為潮。出

穴則潮水退出。入有節。故潮水有期。〔鳥獸續考〕海鯨

長者百餘里。牡蠣聚族。其背曠歲之積。崇十許丈。鯨

負以遊。鯨背平水。即牡蠣。嘩吼水面。如山。突舶猝遇之

如雷。其首輒震。以銃砲。鯨驚徐徐而沒。猶漩渦數里。舶

頭顛久之。乃定。人始有更生之賀。〔嶺表錄異〕每歲廣

州常發船。船過南安。貨易北人。有偶求此行。往復一年

便成斑白。云路經調黎。〔地名〕海心有山。阻東海。濤深闊

處。見十餘山。或出或沒。初甚訝之。篙工曰。非山。島。鯨魚

背也。果見雙目閃爍。鬚鬣若簇。朱旗危沮之際。日中忽

雨。霹靂舟子曰。此鯨魚噴氣。水散於空。風勢吹來。若雨

耳。及近魚。即鼓船而噪。倏爾而沒去。〔魚畏鼓物〕宋紀

宋趙鼎謫珠崖自雷州浮海而南鎮見洪濤間紅旗靡靡相逐而下疑爲海寇或外國兵甲呼問舟人舟人搖手令勿語恐怖之色可掬急入舟披髮持刀出蓬背立割其舌出血滴水中戒使臣閉目坐船內凡經兩時頃聞舟人呼曰更生更生乃言曰頃所見巨鱗也能吞舟平生卽舟人未嘗覩 據遺別錄王師中知登州一日大風異常呼問父老曰海鱗將過此必先有大風次日師中登蓬萊閣候之須臾魚至不見其首但其脊如山出水上隱隱自北而南經一日始見其尾 顧峴海槎餘錄海鱗乃水族之極大而變異不測者梧川山界有海灣上下五百里橫截海面且極其深當二月之交海

鱗來此生育隱隱輕雲覆其上 史虛白釣磯立談南唐後主時溆陽潮退有一大鱗環體於洲上時時舉首噉噉水自臑而出數日乃死湘江之人饜食其肉世說以爲海神鑿腦取珠因以致斃 赤城志海鱗淳熙五年八月出於寧海縣鐵塲港乘潮面上形長十餘丈皮黑如牛揚鬣鼓鬣噴水至半空皆成烟霧人疑其龍也潮退閣泥中不能動但睛塔塔然視人兩日死識者呼爲海鱗爭舂其肉煎爲油以其脊骨作臼自是海濱人多患疫焉

鯤

莊子逍遙篇窮髮之北有溟海者天池也有魚焉其廣

數千里未有知其脩者其名爲鯤
魚朝發崑崙之墟暴鬻於碣石暮宿於孟諸

鯨

嶺表錄異潮州惡溪有鯨魚其大如船其形如鼉喙長
半身牙如鋸齒尾有三鈎極利秀水閉居錄鯨魚之
狀龍吻虎爪蟹目鼉鱗尾長數尺大如真芒刺如鈎仍
有膠黏多於水中潛伏候人畜相近以尾鈎取蓋猶象
之任鼻也洽聞記扶南國出鯨魚大者二三丈四足
似守宮狀常生吞人扶南王令人捕此魚置於塹中以
罪人投之若合死鰐魚乃食之無罪者嗅而不食鰐魚
別號忽雷熊能制之握其鬚至岸裂擘食之一名骨雷

秋化爲虎三爪出南海思雷二州臨海英潘村多有之

嶺表錄異鯨魚身上黃色四足修尾舉止趨疾口森
犀齒南中鹿多最懼此物鹿走崖岸之上羣鯨嗥叫其
下鹿必怖懼落崖多爲鯨魚所得亦物之相攝伏也

虞喜志林南方有鯨魚喙長八尺秋時最甚人在舟邊
者魚或出頭食之故人持戈於船側而禦之李淳風

感應經廣州人說鯨魚能陸進牛馬水中覆舟殺人值
網則不敢觸有如此畏慎其一孕生卵數百於陸地及
其成形則有蛇有龜有鱉有魚有鼉有爲蛟者凡十數
類及其被人捕取宰殺之其靈能爲雷電風雨此殆神
物龍類交州記鯨魚好出沙上卵大如鵝卵可食

感應經河有怪魚乃名為鱧其身已朽其齒三作南州志斬其首乾之去其齒旬日間更生如此者三乃死

各種魚

禽蟲述鱧魚凡諸魚欲產鮠輒以頭衝其腹鮠魚自欲生者亦更相撞觸故世人謂衆魚之生母也臨海異物志鰕魚如指長七八寸但有脊骨宜作羹滑美似餅大者如竹曝作燭有光山海經晉水多鰕其狀如條而赤鱗其音如叱食之不驕渭水多鱖魚其狀如鱸魚動則其邑有大兵番條之山滅水出焉其中多鰕魚食之已嘔諸昆之水其中多滑魚其狀如鱣赤背其音如梧食之已疣渠豬之水多豪魚狀如鱣赤喙尾赤羽可

以已白癩鬲水多薄魚其狀如鱸魚而一目其音如歐見則天下大旱藁水多修辟之魚狀如鼉而白喙其音如鴉食之已白癩來需之水其中多鱣魚黑文其狀如鮒食者不睡合水多臙魚狀如鰕蒼文赤尾食者不癰可以為婁鱒魚狀如盤雌而長距足白而對食者無蠱疾可以禦兵泚水多箴魚其狀如條其紫如箴食之無疫疾說文鱣魚皮有文出樂浪東音移爾雅鱣小魚註家語曰其小者鱣魚也今江東亦呼魚子未成者為鱣爾雅邢昺註鱣鮠屬也體似鱣尾似鮠魚大腹喙小銳而長齒羅生上下相銜鼻在額上能作聲少肉多膏胎生健啖細魚大者長丈餘江中多有之孔叢

子衛人釣於河得鰈其大盈車曰吾下一鮒之餌鰈過而不視又以豚之半則吞矣子思子曰噫鰈貪以餌死士貪以祿死

說文 扱綸錯餌迎而吸之者陽橋其爲魚薄而不美

呂覽 魚之美者東海之鮪

地理志 利州上貢鮪魚

異物志 鮪魚吐舌蟻附之因吞之又開鱗甲使蟻入其中乃奮近則砥取之

北戶錄 鮪魚腹背有刺如三角菱

沈懷遠 南越志 鮪魚鯉也形如蛇而四足腹圍五六寸頭似蜥蜴鱗如鏡甲異物志謂之鱗鯉

物類相感志 鮪鯉甲又名穿山甲

圖經 鮪魚形類鱗魚生溪中極臭類旁有骨名乙長尺許

雨航雜錄 鮪魚身柔如膏無骨鱗細口闊齒多一作鮪海上

人目人弱者曰鱈

彙苑詳註 鱈魚出蜀江背鱗黑而膚理似玉蜀人以爲鱈味極美

事物原始 鱈魚色赤頭尖口小口在腹下大者二三百斤其尾尖長不滿尺而圓其脂可熬油而燃燈力能敵潮故又名鱈水端午水熱而來立秋水冷藏於大海

山堂肆考 鱈魚似馬交尾有兩岐如鞭韉故名

事物原始 鱈魚似鱗魚蛇首白目有眈而肥其脂在目至八月而流出即不見人因八月蘆花澀水漲時歸海取之甚多

潛確類書 鱈魚或曰鱈魚也今廣州曰蒲魚蒲魚尾如蛇口眼不相營

事物原始 鱈魚色自如銀體圓口闊味鮮長尺餘骨肉俱奕若無鹽制之久則成木雷骨而已

南方異

水族類 各種魚

魚似鱒有雌無雄二三月與蜥蜴交水上其胎
毒人 兩航雜錄雁山五珍有香魚鱗細不腥春初生
月長一寸至冬月長盈尺則赴潮際子生已輒稿惟雁
山溪澗有之他無有也一名記月魚 事物原始寧魚
色黃頭大將寸者尾尖無鱗立冬方出至清明身骨俱
腐俗呼爛草索 寧波府志短魚項縮而短為鯨極美
色微紅 彙苑詳註鬪魚大如指長二三寸身有花文
紅綠相間尾鮮紅有黃點善鬪兒童輩多盆養之每鬪
相持不舍久之勝負乃決負者躍而遊顏色衰謝勝者
洋洋自得顏色充如也俗呼為花魚 遊宦紀聞三山
溪中產小魚斑文赤黑相間里中兒豢之角吻負為博

戲昔有鬪禽未見有鬪魚亦可觀也聞永嘉亦有之

五雜組吾聞莆中喜鬪魚其色爛爛喜鬪纏繞終日尾

盡齧斷不解此魚吾郡亦有之俗名錢引魚蓄之盆中

諸魚無不為所齧者故人皆惡之而莆人乃珍重如許

良可怪也 事物紺珠公魚似鱗細鱗長不滿尺有子

美出大理 山堂肆考梧州有大荒山山上泥中有婢

妾魚兩翼及臍下有三條如練帶長四尺許搖動有光

迷異記和州歷陽淪為湖湖中有明府魚奴魚婢魚

彙苑詳註魚身味極佳惟嘉州有之 嶺表錄異黃

臘魚即江湖之橫魚頭嘴長鱗皆金色鬻為炙雖美而

毒或煎燂乾夜即有光如籠燭北人有寓海南者市此

魚食之棄其頭於糞筐中夜後忽有光明近視之益恐懼以燭照之但魚頭耳去燭復明以為不祥各啓食盒窺其餘燭亦如螢光達明遍詢土人乃此魚之常也憂疑頓釋 山堂肆考魚有各黃類者背皮及兩腮間皆有刺 名物攷俗傳獺祭魚將魚羅列於前取黃類魚一枚以爪按其頭作聲如人之有巫祝也故俗呼黃類魚為魚師祭畢獺食諸魚而縱魚師於水 事物原始黃脊魚脊黃而腹白骨細而多腥無膽而味美 事物紺珠黃刺魚又名黃牙魚能變黃鶯 西陽雜俎負朱魚每鱗有一點朱 異物志緋魚海上有一種紅莖魚全緋又一種新婦魚其色近緋 北史赤土國扶南則

種在南海中煬帝使常駿至其國既入海見綠魚羣飛水上 鳥獸考異魚塘在陽朔縣西一十五里中有魚綠鱗而紅鬣 彙苑詳註沙綠魚魚之細者生隈瀨中狀若鱷大不五寸味甚美蜀人珍之 紀聞逆鱗魚仙經謂之肉芝 宋志棘鬣魚其鬣剛如棘故呼棘鬣又其鬣赤亦呼赤鬣此魚味豐在首首味豐在眼莆人多蔥酒蒸之以為珍味十月此魚得時正月以後則味不可食 郭延生述征記城陽縣南堯母廟前一池魚頭間有印文謂之印頰魚非告祠者捕不得 興化府志方頭魚似棘鬣而頭方味美或曰方疑作芳言其頭為味芳香也 歐陽脩與梅聖俞書北州人有致達頭

魚者素未聞其名蓋海魚也其味可食 五侯鯖疏齒

魚味如豬肉 山堂肆考針口魚口似針頭有紅點腹

兩旁自頭至尾有白路如銀色身細尾岐長三四寸二

月間出海中 養魚經針口魚首戴針芒身長五六寸

士人多取為鱸 正字通墨頭魚出四川嘉州狀如鱈

子頭黑如墨頭上有白子二枚又名北斗魚二三月出

漁人以火夜照取之 物類相感志海枯魚即今鮓乾

魚也取骨刺樹木則枯若以犬膽灌魚刺處木還榮盛

今江海中有仰陽魚取骨刺日西時樹陰亦死 棗苑

詳註鮫魚類土附而腥紅若虎善食蝦俗謂之新婦

魚 楊慎外集蘆鱈 鮓之魚產蘆陵南俗以為醬海民

所甘 事物紀原鮓鮮魚一名康郎雲南人以為瘴藥

山堂肆考青郎魚形類海鯽而大一名榔磚硬鱗剛

骨齒如鐵鋸嚼螺蛤成粉味極佳海濱人取蚶苗養於

塘濼之間謂之蚶田惟忌青郎隨潮入田吞嚼殆盡

事物原始花浪魚背青而腹白骨健而性剛游則成羣

遇物則躍其味甚美 五侯鯖化水魚生澄邁潭人取

烹之化為水禱雨即應 烏獸續考抱石魚出於山溪

背偃而腹平其大如指常貼於石上土人取之為腊出

建寧府 酉陽雜俎僧行儒言建州有石斑魚好與蛇

交 遜齋閒覽南方溪澗中有魚生石上號石斑魚作

鮮甚美至春有毒不可食以其與蜥蜴交也 事物原

各種魚

始石鯪魚生南海中長寸許背裏腹下皆赤南人取以爲鮮
爾雅鯪當鮓註海魚也似編而大鱗肥美多鯪今江東呼其最大長三尺者爲當鮓
魏武食制蕃謁魚大者尾如箕長數尺
兩航雜錄闌胡如小鯪而短大者如人指長三五寸頭有斑點如星潮退數千百跳擲塗坵中土人施小鉤取之一名彈塗以盂覆活者數百於地且發視之皆駢首拱北蓋亦朝斗之意玄修者忌食
事物原始彈塗如望潮而大其色黑間有蒼黃點子無鱗長三四寸口闊而味肥甜稻花開後內有脂膏一片
霏雪錄安南國有一種魚銳首無鱗有骨若插箭然味似河豚名戴帽魚
兩航雜錄綬魚一名華

鰻一名老婆其腹有帶如蟻子生附其上如科斗大者如盤無鱗冬初始出者俗重之至春則味降矣
五雜俎閩有帶魚長丈餘無鱗而腥諸魚中最賤者獻客不以登俎然中人家用油沃煎亦甚馨潔
海物異名記海樹霜葉風飄浪翻腐若螢化厥質爲魚故名楓葉魚出興化府
鳥獸考竹魚其色如竹青翠可愛味亦佳
東流縣志麥魚其形銳小似麥可愛縣四十里上溪潭出遡流至石人瀨下形漸大越此則化蜻蜒飛去里人最珍之
雲龍州志油魚穴在州南二十里中秋則魚肥長僅二三寸十月望則絕
華夷鳥獸考鉤魚狀類鯢身少匾其唇甚長垂下數寸味皆在此故俗有

喫者鉤魚唇不惜老婆視之語
臨海水土記鱣魚長七寸頭如鐻
演繁露王易燕北錄云牛魚嘴鱗硬頭有脆骨重百斤卽南方鱣魚也鱣鱣同本草既有鱣魚又別有牛魚云生東海頭如牛則牛魚別自一種非鱣也若鱣魚正如鮭鱣通身無鱗既有鱗而硬卽非鱣也
通雅牛魚北方之鮭類也契丹主達魯河釣牛魚以其得否爲歲占
演繁露契丹達魯河東與海接歲正月方凍至四月而泮其鉤牛魚也王與其母皆設次冰上先使人於河上下十里間以毛網截魚今不得散逸又從而驅之使集帳前其牀前預開冰竅四名爲冰眼中眼透水旁三眼環之不透第斷滅令薄而已薄者所

以候魚而透者將以施鉤也魚雖水中之物若久閉於冰遇可出水處亦必伸首吐氣故透水一眼必可以致魚而薄不透水者將以伺眎也魚之將至伺者以告王遂於蹻透眼中用繩鉤擲之無不中者旣中遂縱繩令去久魚倦卽曳繩出之謂之得頭魚頭魚旣得遂相與出冰帳於別帳作樂上壽
一統志鼃魚出惠州海豐縣大海中
異物志鹿魚頭有兩角如鹿
鳥獸續考南蕃大海中有魚頂中鮓紅如血名曰鶴魚故以爲帶號曰鶴頂紅
南越志烏鵲魚通身黑長二丈
臨海異物志南海有黃雀魚六月化爲黃雀十月入海爲魚
鳥獸考龍門江在嘉興州上飛湍聲聞百里舟過此

必鼻上听方可復行傍有穴多出鸚鵡魚色青綠口曲而紅似鸚鵡嘴相傳此魚能化龍云
 寧波府志馬鮫魚形似鱗其膚似蠟而黑斑最腥魚品之下一曰社交魚以其交社而生
 事物原始馬鮫色白如錫俗名擺錫鮫連頭尖骨爽味甜無鱗小蓄至及夏至隱於海中其小者名曰青箭
 鳥獸續考馬鮫魚切成手臂大塊淡曬乾倉庫收貯各國亦販買他處賣之名曰潛魚
 西陽雜俎羊頭魚產四川雲陽縣巴鄉邨溪中頭似羊多肉少骨美於他魚
 東海集鷺毛魚不用網罟夜二人乘一艇張燈艇中魚見燈光輒上艇須臾而盈多則滅燈否則艇不能勝矣
 北戶錄恩州出鷺毛艇乃鹽

藏其味絕美其細如針郭義恭云小魚一斤千頭未之過也
 廣志武陽小魚大如針號一斤千頭蜀以為醬
 酉陽雜俎傍海大魚脊上有石十二時一名離頭湖一名螭螭其溺甚毒
 正字通別有鬼頭魚鼠頭魚羊屏魚橫貫魚耳魚之類

諸異魚

拾遺記鯨沈羽淵化為玄魚後人修玄魚祠以祀之嘗見其浮躍出水長百尺噴水激浪必降大雨
 南齊五行志永明九年鹽官縣石浦有海魚乘潮來水退不得去長三十餘丈黑色無鱗未死有聲如牛土人呼為海鷲取其肉食之
 南越志天牛魚方員三丈眼大如斗

口在脅中露齒無唇兩肉角如臂兩翼長六尺尾長五尺
農田餘話張氏有國時浙間一夕月明四五鼓之間水皆騰湧池塘溪塹之內皆然松江上海邑中墜一海魚長幾二丈名曰闕霸正字通二手二足魚各海魔又斯得白長二十丈性良善能護人或漁者爲惡魚所困爲解之又薄里波色能隨物而變附土如土色附石如石色又落斯馬長四丈許足短居海底窄出水面皮堅刺之不可入額二角似鉤寐時角挂石盡日不醒又把勒亞長十數丈首有二大孔噴水上出遇船昂首注水船中急取盛酒巨木罌投之吞數罌輒去又劍魚鬚長丈許鐸刻如鋸能與把勒亞魚戰而勝海槎餘

錄秋晚巡行昌化屬邑俄海洋煙水騰沸競往觀之有二大魚遊戲水面各頭下尾上決起煙波中約長數丈餘離而復合者數四每一跳躍聲震里許餘怪而詢於士人曰此番車魚也間歲一至此亦交感生育之意耳今中州藥肆懸大魚骨如柞白者乃其脊骨也湧幢小品金山神魚每歲廟神誕日有魚名黑隘大者如山羣引海族來朝率午方退拾遺記瀛州一名魂州亦曰環州東有淵洞有魚長千丈色斑鼻端有角時鼓舞羣戲遠望水間有五色雲就視乃此魚噴水爲雲如慶雲之麗無以加也嶺南異物志南方嘗晴望海中二山如黛海人云去岸兩山各六百里一旦暴風雷雨霧

露皆腥雜以泥漚七日方已屬有人從山來謔云大魚
因鳴乳吹沫其一鯁挂山巔七日山為之折不能去鳴
聲為雷氣為風沫為霧〔玄中記〕東方之大者東海魚
焉行海者一日逢魚頭七日逢魚尾產三日則碧海為
之變紅〔禹簡〕沈作誥嘗迎親海上至補陀山望見海
中數十里外有旌旗如軍行數萬騎者洵湧東下問其
人曰此大魚耳旌旗狀者蓋鱗鬣也須臾稍近山石為
之震動〔秘閣閑談〕李崇矩見海上沙島有大魚剖其
腹得一艇船兼三死人衣服猶備〔見聞錄〕朱茲淡在
南京時江中得大魚其大如舟而魚腹中吞一虎以撐
腹致死〔事林廣記〕大食勿拔國每歲常有魚死飄

近岸身長十餘丈高二丈餘國人不食但剖其膏為油
多者至二三百斤肋骨作屋桁脊骨作門扇骨脊可為
日〔北史〕蕙嶺山有順天神祠前有一魚脊骨有孔中
通馬騎出入〔劇談錄〕李德裕有巨魚脇骨一條長二
丈五尺其上刻云會昌二年海州送到〔段成式集〕東
海大魚瞳子大如三斗盎〔五雜俎〕宋高宗紹興間漳
浦海場有魚高數丈剖其肉數百車至剡目乃覺轉鬣
而旁艦皆覆近時劉叅戎炳文過海洋於亂礁上見一
巨魚橫沙際數百人持斧移時僅開一肋肉不甚美肉
中刺骨亦長丈餘劉攜數根歸以示人想皆此類耳
賢奕編〔泉海有魚乘潮入港潮退不得出土人呼聚百

眾持刀斧楸上魚背恣意欲取其肉數十百石魚猶恬然如故潮至復乘之去封氏見聞記封演客海州見人持一束黑物形如竹篾間其人乃海魚鰓中毛擬用作屏風點問其所得云數十年前東海有大魚死於岸上收得此奇支異色似水牛角小頭似豬鬣大頭正方長四五寸廣可一寸今人間大魚鰓中髮毛長不盈寸此乃長四五寸魚亦大矣神異錄北方荒中有石湖湖中有橫公魚長七八尺形如鱧而赤晝在水中夜化為人刺之不入煮之不死以烏梅二枚煮之則死食之可止邪病玉照新志嘉祐末有人攜一巨魚入京師能人言號曰海多摭遺張守信泊舟新開湖夜有漁

者舉網得魚近百斤自腰而下魚也腰上乃美婦人守信酌酒飲之面益紅美或取湯一杓飲之急噴去似傷乎熱也舟人曰殺之不祥復還之深水其魚合掌人言曰劫火未壞人道魚身昔為東魯太史今作泊水小君投我以酒固以為感沃我以湯斯亦不仁洽聞記隆安中丹徒民陳性於江邊作魚簾潮去簾中得一女長六尺有容色無衣裳水去不動臥沙中與語不應中一人就奸之性夜夢云我江黃也昨失路落若簾中水人辱我今當殺之性不敢歸待潮來自逐水而去奸者尋病死古今注水君狀如人乘馬眾魚導從名魚伯大水有之漢末有人於河際見之人馬皆有鱗甲如大鱧

魚但手足別耳目鼻與人不殊見人良久入水而沒
華夷鳥獸考先朝有使海外者其國宴饗之際以朱盤
進炙魚甚巨人面魚身置諸席上使者舉筋徑取雙目
啗之卽命撤去蓋此名入面魚其味在目其毒在身於
是國王再拜稱其賄博其物產之當識有如此者北
戶錄白髮魚戴髮形如婦人白肥無鱗出演池中賢
奕編待制查道秦使高麗見沙中一婦人紅裳雙袖髻
鬟紛亂肘後微有紅鬣查命扶於水中拜手感戀而沒
乃人魚也洽聞記海人魚東海有之大者長五六尺
狀如人眉目口鼻手爪頭皆爲美麗女子無不具足皮
肉白如玉無鱗有細毛五色輕軟長一二寸髮如馬尾

長五六尺陰形與丈夫女子無異臨海鰥寡多取得養
之於池沼交合之際與人無異亦不傷人 嫫媿記海
中所產多類人身而人魚其全者也蚺青類人首眉目
宛然玄羅類人足戚車類男陰文嚙類女陰文嚙卽淡
菜亦名東海夫人至於貴鈴類鳳恐鍾類鹿鳩城類象
水藻類鳧更奇 山海經湯山雷水南流注於河中多
鰓交之魚狀如鮒魚首翫身食之已嘔獄法之山瀆澤
之水其中多鱓魚其狀如鯉而雞足食之已疣吳山愚
水出焉中多蚌魚狀如龜而魚尾二足其音如羊椒蠶
之山食水出焉其中多鱮鱮之魚其狀如犁牛其音如
鸞鳴龍魚陵居狀如鯉或曰龍一角一曰鰓音卽有龍聖乘

此以行九野九域之野一曰鱉魚鱉音惡抵山有魚焉其狀如牛陵居蛇尾有翼其羽在鱉下其音如雷牛其名曰鱉冬死而夏生食之無腫疾即翼之澤其中多赤鱃其狀如魚而人面其音如鴛鴦食之不疥黑水有鱃魚其狀如鮒而羸毛見則天下大旱北嶽山諸懷之水西流注於囂水中多鮪魚魚身犬首音如嬰兒食之已狂註鮪音詣今海中虎鹿魚及海狶體皆如魚頭似虎鹿猪此其類也水經扶南象浦有鮪魚色黑身五丈頭如馮首何人入水便來為害事物紺珠鹿角魚頭有兩角如鹿腹下有脚如人足嶺表錄異鹿子魚顏色其尾鬣皆有鹿斑赤黃色羅州圖經云州南海中有洲每

春夏此魚跳出洲化而為鹿曾有人拾得一魚頭已化鹿尾猶是魚南人云魚化為鹿肉腥不堪食孫宗吾五音拾遺鮪魚如鼉喙長三尺利齒如鴨虎渡河擊之即斷夢溪筆談海洲漁人獲一物魚身而首如虎亦作虎文有兩短足在肩指爪皆虎也長八九尺視人輒淚下數日方死父老云昔曾見之謂之海蠻師華夷鳥獸考博白縣南大荒山出怪魚名曰妾狀似人有翼臍下有帶長三尺白如練顧動光彩煥爛人雖見而取不得山海經涿光山囂水注於河其中多鱃鱃之魚狀如鵲十翼善銜火鱗在翼端聲如鵲食之不瘳漢水多鰓鮒之魚狀如覆鏡鳥首魚尾有翼音如磬石聲

生珠玉末塗之水其中多條。鱗其狀如黃蛇魚翼出入
有光見則其邑大旱餘如之澤其中多鱗魚其狀如魚
而鳥翼出入有光其音如鴛鴦見則天下大旱羸魚魚
身而鳥翼音如鴛鴦見則其邑大水泰器之山觀水出
焉是多文鱗魚狀如鯉魚身而鳥翼蒼文而白首赤喙
常行西海遊於東海以夜飛其音如鸞雞其味酸甘食
之已狂見則天下大穰。爾雅翼文鱗魚出南海大者
長尺許有翅與尾齊一名飛魚羣飛水上海人候之當
有大風俗云文鱗夜飛而觸綸是也。兩航雜錄海鱗
魚即文鵞類也形似鵞有肉翅能飛上石頭齒如石板
出主風又有白袋似牛而白自海入江則兆水澤謠曰

海鵞風伯使自袋雨師奴。山海經勞水多飛魚狀如
鰩魚食之已痔曉山多飛魚其狀如豚而赤文服之不
畏雷。拾遺記黃帝時仙人竇封食飛魚而死二百年
更生。酉陽雜俎飛魚朗山水有之魚長一尺能飛即
凌雲空息即歸潭底。臨海異物志鵞魚似鸞鵞魚似
鷺陰雨皆能飛高丈餘。酉陽雜俎海魚千歲名劔魚
一名琵琶魚形似而善鳴。異魚贊海魚無鱗形類琵琶
一名樂魚。臨海異物志海內有大魚長十餘丈背
負鋸船觸之皆斷。山海經蒼體之水其中多鱗魚其
狀如鯉而六首食之不疰芑湖之水其中多條魚其狀
如雞而赤毛三尾六足四首其音如鵲食之可以已憂

水多何羅之魚。一首而十身。其音如犬吠。食之已癰。
東始之山。泚水多菰魚。其狀如鮪。一首而十身。其臭如
麩。燕食之。不糲。乎謂反止。失氣也。事物紺珠。八梢魚。長四五
尺。一首八身。出朝鮮。山海經。決決之水。多人魚。其狀
如鮪魚。四足。其音如嬰兒食之。無癰疾。爾雅。鮪。大者
謂之鮪。註。今鮪魚似鮪。四脚前似獼猴。後似狗聲。如小
兒啼。大者長八九尺。別名鮪。水經。鮪魚。司馬遷謂之
人魚。故史記曰。始皇之葬也。以人魚為燭。徐廣曰。人魚
似鮪。而四足。即鮪魚也。山堂肆考。寇宗奭曰。鮪魚腹
重。墜如囊。身微紫色。嘗剖之中。有三小蟹。又有四五小
石塊。雙槐歲杪。鮪魚出峽中。能上樹。天旱。輒含水上

山以葉覆身。張口俟鳥來飲水。因吸食之。聲如小兒將
食。先縛之。樹鞭之。出汗如白汚。乃無毒。范鎮東齋筆
錄。蜀有鮪魚。善緣木。有聲如啼。兒孟子言。緣木求魚。是
亦未聞此也。物類相感志。鮪魚形如夫兒。四足。夜則
上岸覓食。晝則深入溪水。伏音如嬰兒啼。多鱗。北史
真臘國有魚。名建同。四足。無鱗。鼻如象。吸水。土噴高五
六十尺。山堂肆考。常州顧山有潛蜃泉。中有異魚。四
足。能行。率四歲一出。出必有災。廣輿記。粵西桂林府
興安龍蟠山巖潭中。有龍盤魚。四足。有角。丹腹。脩尾。狀
似守宮。能致風雨。山海經。彩深澤有魚焉。其狀如鯉
而六足。鳥尾。名曰鯨。鯨之魚。陵羊之澤。是多冉。遺之魚。

魚身蛇首六足其目如馬耳食之使人不昧可以禦凶
北史真臘國有浮胡魚形似鯢背如鸚鵡有八足半
身出望之如山物類相感志絳河去白南十萬里波
如絳色中生赤龍魚肥美可食若得食則壽長無算
談賓錄東海有魚蚪尾似鴉鼓卽降雨遂設像於屋脊
抱朴子天下諸水有各丹者如南陽丹水之屬是也
其中皆有丹魚常先夏至十日夜伺之丹魚於水側赤
光上照赫然如火也網而取之可得得之雖多勿盡取
也割其血塗足下則可步行水上長居淵中矣漢武
內傳王母曰仙人上藥有流淵瓊魚博物志金魚出
功婆塞江腦中有麤金述異記關中有金魚神云周

平王時十旬不雨祭此神俄生涌泉魚躍降雨異物
志南方鏡魚圓如鏡酉陽雜俎印魚長一尺三寸額
上四方如印有字諸大魚應死者先以印印之酉陽
雜俎片魚腦有穴每喻水輒於腦穴感出如飛泉散落
海中舟人競以空器貯之海水鹹苦經魚腦穴出反淡
如泉水焉採蘭雜志薛若社好讀書往往徹夜一日
遇比邱就水中捉一魚赤色與薛曰此謂知更魚夜中
每至一更則一躍薛畜盆中置書几至三更魚果三躍
薛始就寢更名曰代漏龍彙苑詳註淫魚頭與身相
半其長丈餘鼻正白身正黑如在額下狀似鬣有鬣而
無鱗出於江中其性喜音聞樂作則出頭水上聽之是

聽瑟獨淫魚為然今談者有謂邳巴鼓瑟而游魚出聽
乃若槩指凡魚矣木經武陵佷縣長楊谷中有石穴
清泉噴流三十許步復入穴即長楊之源也水中有神
魚大者二尺小者一尺居民釣魚免陳所須多少拜而
請之拜訖投釣餌得魚過數者水輒波涌暴風卒起樹
木摧折酉陽雜俎濟南郡東北有鱣坑傳云魏景明
中有人穿井得魚大如鏡其夜河水溢入此坑坑中居
人皆為鱣魚焉南雍州記襄陽古魚井內一魚無肉
惟骨相連耳陶朱新錄河陰南廣武山漢高皇廟在
其麓殿前有八角井曰漢泉井中三魚一金鱗一黑一
如常一邊鱗肉與骨皆無獨其首全與二魚並游水中

但其游差緩不復有揚鬣撥刺之勢至今尚存俗傳漢
高皇食鱣庖人治魚及半而楚人至倉皇棄魚井中而
遁耳戒菴漫筆天台山奇跡甚多寺池中有無腸魚
相傳昔有僧治魚欲食人見者譏其釋家傷生僧輒放
之池中而活至今相生如此

十五舉首而戴之而龍伯之國有人一釣而連
合負而歸約

木鏡原卷九十三終

水族類 諸異魚

清泉噴

魚大者二尺

諸之拜訖投釣餌得魚過數者小輒放捕暴風卒

下崖下

水經注卷九十四

朕昔嘗曾命魚為食人見者驚其異遂為水會神效
既耳 如恭野草天台山杏樹其多守此中自無
高皇食餽人命魚又半而整人至魯皇藥魚共中山
且其滋美變不更自思慮繼傳之幾至今尚存

格致鏡原卷九十四

水族類五

鼈

立中記鼈巨龜也以背負山周迴千里 韻會鼈屬鼈
也一日雌鼈為鼈 列仙傳有巨靈之鼈背負蓬萊之
山而抃舞戲滄海之中 列子東海有五山帝使巨鼈
十五舉首而戴之而龍伯之國有大人一鈞而連六鼈
合負而歸灼其骨以數焉 符子東海鼈冠蓬萊游滄
溟騰躍而上沉沒而下埵蟻聞而悅之相要海畔觀鼈
羣蟻曰彼冠山何異我戴粒逍遙於封壤之巔伏乎窟
穴也 西墅記譚于頓在海南日一夜方三更忽曉如

日初出移時復暗徧嶺南悉同時復有客言某日夜見海中大鼈浮出目光照耀天地如白晝徐徐復沒驗其日正同

鼈

爾雅鼈似鼈而大南人亦捕食之闊或至一二丈介蟲之元也鼈以為雄故鼈鳴而鼈應一曰鼈亦卵生而伏影卵大如雞鴨子一產一二百枚錄異記鼈狀如鼈腹下赤者為鼈白者為鼈俗云鼈之身有十二屬肉漁人捕得之雖支分鬻解隨其巨細未投湯鑊者皆能跳走鼈與鼈雖至大者如蚊蚋嚼之一旦乃死博物志屠鼈解其肌肉唯腸連於頭而經日不死酒能齧物

鳥往食之則為所得漁者或以張鳥雀禮記月令九

月命有司登龜取鼈謂甲蟲至秋乃堅成九月方可取

之也山堂肆考鼈頭有壳搭名曰癩頭潛確類書

鼈大於鼈朔望隨月浮水月沉則沒此屬陰也淮南

萬畢術鼈脂得火可以然鐵燒鼈致鼈格物總論鼈

肉五色而白多老者能化為魅其卵人亦掘取以鹽淹

可煮食之其白不凝五雜俎殺鼈割肉懸桁間見無

人便自垂至地聞人聲即縮廣陵沙岸上有水牛偃曝

一鼈大如席闖出水際潛往牛所牛覺亟起環行出其

後奮角觸之鼈即翻身仰臥不能復起為濱江人擊殺

之古有相傳水牛殺蛟當不虛也宣州志宣城江中

鼉出虎搏之鼉齧虎二瘡虎怒拔鼉之首而虎瘡甚亦
死 云憲開見錄安陸陂澤中多巨林叢葦水涸則虎
處其中一日鄉人遙見一虎倒懸於樹聲震林木集眾
視之乃一巨鼉懸於樹虎不知以尾掉之為鼉所舍
不能脫遂為眾所得 五雜俎儀真人有網得鼉者繫
其足置豕圈中將烹之人夜有虎入圈以為豕也搏之
為鼉所齧至死不放虎創甚而伏比明眾至格殺虎以
鼉為有功放之於江焉 廣雅海鼉大一畝重千鈞一
搜神記千歲鼉能與人語 後漢五行志靈帝時江夏
黃氏之母浴而化為鼉入於深淵其後時時出見初浴
簪一銀釵及見猶在其首 晉書吳孫皓時丹陽宜騫

母年八十因浴化為鼉 古今注鼉一名河伯使者

吉凶響應錄韋丹未第時於洛陽橋見漁者得一鼉甚
大丹心異之贖投於河後有元長使名濟之來謁丹即
此鼉也 水族加恩簿甘鼎 謂鼉也宜封爵舌公

鼉

草木疏鼉形似蜥蜴四足長丈餘小者六七尺首尾皆
有鱗甲如鏡今合藥鼉魚甲是也皮堅厚宜冒鼓 續
博物志鼉一名土龍鱗甲黑色能橫飛不能上騰 說
文鼉具十二肖肉蛇肉最後在尾 濟確類書鼉小於
鼉向日吐水日沉則沒此屬陽也 埤雅晉安海物記
曰鼉宵鳴如桴鼓今江淮之間謂鼉鳴為鼉鼓亦或謂

鼃更更則以其聲逢逢然如鼓而又善夜鳴其數應更故也今鼃象龍形一名鱣夜鳴應更吳越謂之鱣更蓋如初更輒一鳴而止二卽再鳴也舊云鼃性嗜睡日晴常閉一曰獨鳴早鼃鳴夜趙辟公雜說曰鼃開鼓聲則鳴本草鼃口內涎有毒長一丈者能吐氣成霧致雨力至猛能攻陷江岸長者自齧其尾極難死沸湯沃口入腹良久乃就剝老者多能變化為邪魅物類相感志鼃狀若龍五色形長丈餘介冑備焉其類長者能吐霧致雨聲甚可畏入穴中掘之如百人掘之須百人取之一人掘卽一人牽取不然終不可出梁周與嗣嘗食其肉後為鼃噴成惡瘡此物靈不可食或能為妖患害

於人也坤雅鼃枕瑩淨魚枕弗如格物總論鼃形類守宮陵鯉輩生卵大如鵝卵南人食其肉云色白如雞錄異記道州營陵中鼃甲長八尺下自然有文字前後四足各踏一龜行或喻山越水俗莫敢犯文選注郭璞睡時有人見其形變鼃云是鼃精酉陽雜俎訶條國金遼山寺有石鼃衆僧飲食常盡向石鼃作禮則飲食悉具

龜
春秋運斗樞瑞光星散為龜易離為龜戴禮甲之蟲三百六十而神龜為之長春秋運斗樞玉衡星得靈龜躍孝經援神契天子孝地龜出上

水族類

淮南子介潭生先龍先龍生玄龜玄龜生靈龜靈龜生
 庶龜凡介者生於庶龜坤雅龜舊也外骨內肉腸屬
 於首廣肩無雄與雌為匹故龜與蛇合謂之玄武類從
 云玄龜不咽粟蓋龜善藏久能行氣導引其背微偃韓
 子謂之穹龜相法以為強脊如龜有後之人也又龜背
 微圻如斲剝龜經夫龜甲黃足赤眼白尾青腹黑者
 蓋稟受乎五行之粹也然而性畏刀鐵之器聞其聲則
 不能動矣雜阿含經有龜被野干所包藏穴而不出
 野干怒而捨去龜首尾及四足凡六化書牝牡之道龜龜相顧
 神交也埤雅語曰龜思龍望今龜龍皆隔津望卵
 史記南方老人用龜支牀足行二十餘歲老人死移牀

龜尚生不死龜能行氣導引也史記龜策傳江南嘉
 林龜在其中嘗巢於芳蓮之上左脅書文曰甲子重光
 得我者匹夫為人君有土正諸侯得者為帝王靈鬼
 志鄰世了在會稽造墓其地多石後破大石得一龜長
 尺二寸許在石中石了無孔也得非龜石俱生乎既破
 出之龜行動如常龜無異石受龜如人刻安之史氏
 龜經龜生百歲故居鵲尾之上搜神記五湖之龜能
 與人語神仙傳葛玄指龜使舞格物考龜聽雷聲
 口中所含以蟄者吐而昂首無蟲可食既死血肉腐爛
 滲入下甲此真敗龜板也陽龜殼圓板白陰龜殼長板
 黃陰人用陽陽人用陰曰神屋曰敗將曰漏天機皆敗

龜版別名 南越志 龜甲一名神屋出南海生池澤中
 吳越謂之元佇 孔六帖 張儀築成都城依龜行路築
 之李德裕鎮西川龜殼猶在後為高崇文截作腰帶勝
 源一穴中有一腐龜殼積雨浸潤小草叢生即所獵靈
 龜山也 裕古要論 龜筒亦出南蕃海中其色似玳瑁
 而無斑紋 埤雅 明堂位曰周以黃目黃目蓋以龜目
 飾尊今龜目黃而許慎解字設罍亦曰龜目酒尊是也
 凶也 公羊傳 龜青純 註 純綠也謂甲髯千歲龜青髯明吉
 也 食貨志 元龜呬冉長尺二寸 孟康注 冉龜甲緣
 也呬至也度背兩邊緣尺二寸也 禮 青黑緣者天子

之寶龜 方書 鏡照雄龜即淫發失溺滴耳可治聾

响嘍神書言龜溺磨瓷器能令軟研墨書石能入數分
周處風土記 江南五月五日煮肥龜入鹽豉蒜蓼食
 之名曰菹龜取陰內陽外之義

物原 伏羲始造龜卜 尚書 禹曰官占惟先蔽

志昆命於元龜 周禮 龜人凡取龜用秋時攻龜用春
 時各以其物入於龜室上春釁龜祭祀先卜若有祭祀
 則奉龜以往 逸禮 天子龜尺二寸諸侯八寸大夫六
 寸士民四寸龜者陰蟲之老也老者先知故君子舉事
 必考之 周禮 春官華氏掌供燠契以待卜事 注 燠灼
 龜之本契開龜之鑿 埤雅 說文曰兆龜坼也龜灼之

而圻圻而後墨與色可知卜人先占圻史占墨次之大
夫占色又次之衆占備焉而後君占體以斷吉凶
繁露古卜卜人令龜已遂預取吉兆墨畫其上然後灼
之灼文適順其畫是爲食墨者吉其兆不應墨則云不
食不食則龜不從也
五代史龜互物也汚泥川澤不
勝數其死而貴於卜官者用適有宜爾而戴氏禮以其
在宮治爲王者難致之瑞其失亦已多矣
丹鉛總錄
唐李華謂龜卜之法常廢余竊是之蓋聖王以麟鳳龜
龍爲四靈而獨於龜列之煮之何其慘也書曰魚鼈鳥
獸咸若龜卜之法盛行則自天子以至於庶人皆用之
一歲殺龜何啻數百萬是髓亦咸若而龜獨不咸若耶

兩航雜錄道書龜爲地甲殺者奪壽活者延年宋仁
宗問長生術於鴈蕩木葉老人老人曰無他廣濟貧民
禁天下捕龜能斯二者乃可語道

別名

古今注龜一名玄衣督郵
抱朴子山中已日

稱時君者龜也
清異錄武宗一玩圖謂龜爲靈壽子

水族加恩簿元介卿
謂龜卜灼之效吉凶了然所主

大矣宜授通幽博士
宣室志張筵見巴西笑飲酒洞

玄先生與坐天將曉
惺悟見身臥在石龕中一龜形

甚巨乃向所見洞玄先生也
述異記孫權時永康縣

人入山遇大龜擔之未至家
遇夜纜舟於岸見老桑呼

龜曰元緒汝當死矣龜呼桑樹曰子明無苦也
盡南川

之樵不能潰我桑曰禍必及予明日獻之吳王煮三日
夜不死諸葛恪曰此龜須多年老桑為薪煮之立爛遂
研老桑為薪既燃即爛故野人呼龜為元緒 庶物異
名疏孟郊詩再拜謝立夫東坡詩獨見玄夫曝日時皆
謂龜也

龜類 周禮龜人掌六龜之屬天龜曰靈屬地龜曰繹
屬東龜曰果屬西龜曰鼈屬南龜曰獵屬北龜曰若屬
各以其方之色與其體辨之鄭註屬言非一也色謂天
龜玄地龜黃東龜青西龜白南龜赤北龜黑俯者靈仰
者繹前弁果後弁獵左倪鼈右倪若是其體也東龜南
龜長前後在陽象經也西龜北龜長左右在陰象緯也

天龜俯地龜仰東龜前南龜卻西龜左北龜右各從其
耦也 爾雅龜俯者靈仰者謝前弁諸果後弁諸獵左
倪不類右倪不若 疏俯者靈謂行時頭低周禮天龜曰
靈屬是也仰者謝謂行時頭仰周禮地龜曰繹屬是也
前弁諸果者諸辭也謂甲前長弁覆者各果周禮東龜
曰果屬是也後弁諸獵者諸亦辭也謂甲後長弁覆者
各獵周禮南龜曰獵屬是也左倪不類者倪庫也不發
聲也謂行頭左邊庫下者各類周禮西龜曰鼈屬是也
右倪不若者不亦發聲也謂行時頭右邊庫下者各若
周禮北龜曰若屬是也 爾雅一神龜二靈龜三鼈龜
四寶龜五文龜六筮龜七山龜八澤龜九水龜十火龜

史記能得名龜者財物歸之家必大富至千萬一日
北斗龜二曰南辰龜三曰五星龜四曰八風龜五曰二
十八宿龜六曰日月龜七曰九州龜八曰玉龜凡八名
龜圖各有文在腹下云云者此某之龜也取此龜不必
滿尺二寸民人得長七八寸可寶矣柳隆龜經龜有
五色依時用之青靈之龜春宜用之西坐東向赤靈之
龜夏宜用之北坐南向禮統神龜之象上圓法天下
方法地背上有盤法邱山立文交錯以成列宿五色光
昭若玄錦文轉運象四時長尺二寸明吉凶不言而信
述異記陶唐之世越裳國獻千歲神龜方三尺餘背
上有文皆科斗書記開闢以來帝命錄之謂之龜曆

洞冥記黃安坐一神龜廣二尺云昔伏羲始造網罟獲
此龜以授吾吾坐龜背已平矣此蟲畏日月之光二千
歲卽一出頭吾坐此龜已見五出頭矣行卽負龜以趨
莊子宋元君夜夢有人被髮言曰予爲清江使河伯
漁者豫且得予元君覺召占夢者占之曰此神龜也明
日豫且網得白龜圓五尺獻乃殺以下七十鑽而無遺
策仲尼聞之曰神能見夢於元君而不能避象且之網
智能七十鑽而無遺策不能避剗剔之患拾遺記崑
崙山第五層有神龜長一尺九寸有四翼萬歲則升木
而居亦能言員嶠山西有星池千里池中有神龜八足
六眼背負七星日月八方之圖腹有五嶽四瀆之象時

出石上望之煌煌如列星矣

淮南子大蒙神龜出於

溝壑

史記神龜出於廬江歲貢一尺二寸者上太官

太官以吉日剔取前足臙骨穿佩取龜致堂西北隅隔

懸之使人入深山大澤不迷惑也

羅浮山記山有龜

淵淵有神龜龜鼻貫銅環若有入穢此淵龜便浮出即

澍雨

南越志神龜大如拳金色上甲兩邊如鋸齒爪

至利能緣木捕蟬至美可食不中於卜以其小故

齊書永明中有獻青毛神龜一

宋書神龜三百歲游

葉葉之上三千歲游卷耳之上

述異記龜一千年生

毛壽五千歲謂之神龜壽萬年曰靈龜

雜書靈龜者

玄文五色神靈之精也能見存亡明於吉凶王者不偏

黨尊耆老則出

說苑靈龜文五色似玉似金背陰向

陽上隆象天下平法地槃衍象山四址轉運應四時文

著二十八宿地頭龍照左晴象日右晴象月千歲之化

下氣上通能知存亡吉凶之變

抱朴子千歲靈龜五

色具焉其雄額上兩骨起似角以未朱浴之乃剔取其

甲火炙擣服方寸七日三盡一具壽千歲

爾雅注涪

陵郡出大龜甲可以卜緣中文似瑇瑁俗呼為靈龜即

今觜螭龜一名靈螭能鳴

本草秦龜不入水爾雅所

謂山龜是也大者如碑跌食草根竹萌冬月藏土中至

春出遊山谷其甲如螭龜瑱飾器物

異魚圖贊嶺表

嘴螭是日山龜巧匠琢之以為梳篋

本草螭龜大者

各負。屢。西陽雜俎。福州貞元末有人買一籠龜其數十三徐仲以五銀獲之村人云此聖龜不可殺徐置庭中一龜藉四龜而行八龜為導悉大六寸一久而失金華子徐太尉彥若赴廣南將渡小海從者於淺沙中得一琉璃瓶中一龜長寸許旋轉不停而瓶項極細不知何自而入取置舟中其夕忽覺舟偏重視之則眾龜層疊就船而上其人懼而取瓶投之眾龜遂散既而話於海船胡人曰此龜寶也。尚書寧王遺我大寶龜。禹貢九江納錫大龜注尺一寸曰大龜龜不常用錫命而納。車頰秦書苻堅建元十二年高陵縣民穿井得大龜三尺六寸背文負八卦古字堅如石作池養之。

異苑元嘉初益州刺史遣三人入山伐樵路迷或見一大龜如車輪四足各攝一小龜而行又有百餘黃龜從其後三人叩頭請示出路龜乃伸頭若有意焉因共隨逐即得出路一人無故取小龜割以為膳食之須臾暴死惟不噉肉者無恙。寰宇記惠州海豐海中有巨龜其大不知幾千里今渡海往往見巨龜在沙嶼間背上有樹木如洲島昔有商者或依以採薪及作食龜既熟便入海於是死者輒數十人然後知其龜也。南史陳武帝章皇后母蘇嘗遇道士以小龜遺已光彩五色曰三年有徵及期后生紫光照室因失龜所在。錄異記明皇嘗有方士獻一小龜徑寸而金色可愛云神明而

環食置之枕笥中辟巨蛇之毒山堂肆考萬州城南
 有道士養一龜狀如錢置合中時使出巖衣褶間家
 語臧文仲家有守龜名曰蔡註龜出於蔡因以為名
 左傳成之昭也注龜名左傳僂句不予欺也注僂句
 之地出寶龜故名龜曰僂句南越志初寧縣里多鴛
 龜殼薄狹而燥頭似鸞不與常龜同而能嚙犬山海
 經憲翼之水其中多玄龜其狀如龜而鳥首虺尾其名
 曰旋龜其音如判木佩之不聾洞冥記影娥池中有
 籠龜望其羣出岸上如連壁弄於沙岸也故語曰夜未
 央待龜黃物類相感志攝龜其龜小腹甲折解能自
 張閉好食蛇今江東人呼為陵龜或捕蛇蛇無論巨細

見則奔走忙逼上樹蹠結不動龜伏而仰首鼻端吐氣
 其上青烟射蛇則奮然而落則以甲腰夾之蛇則纏龜
 龜乃得而食之墨子昔夏后氏使飛廉祈金於柳山
 以鑄鼎於昆吾使翁難乙灼白若之龜拾遺記禹治
 水時玄龜負青泥於後玄龜河精之使者也龜領下有
 印文皆古篆字作九州山川之字禹所穿鑿之處皆以
 青泥封記其所使玄龜印其上尚書中候周公攝政
 七年成王觀於洛沉璧禮畢有玄龜青純蒼光背甲刻
 書上躋於壇赤文朱字周公寫之山堂肆考燕相子
 之過魯津有赤龜銜璋以獻或云此即爾雅所謂火龜
 是也生於火中而不畏火猶火鼠之類西京雜記太

液池多紫龜。法苑珠林梁釋法聰與晉安王臨白馬
 泉內有白龜就聰手中取食謂王曰此是雄龍。搜神
 記毛寶見漁人釣得白龜贖而放之江中寶後將戰敗
 投江如躡著物漸浮至岸視之乃所放龜。新州志本
 州西河井產綠毛龜大者重十錢小者重五錢甲上有
 綠毛茸生出水則斂入水則披拂如海苔然。鳥獸續
 考綠毛龜壓置壁間數年不死能辟飛塵至冬多悶死
 六帖龜百歲一尾千歲十尾二百歲為一總龜千歲
 曰五總龜千歲一聚問無不知。膠葛龜千年者能至
 蓬萊山下覓仙人洗丹鼎水服之輒生翅能飛變化不
 測不但能巢蓮葉游卷耳也。鼎錄梁天監二年安豐

得一角龜武帝遂作一鼎投得龜處。山堂肆考宋徽
 宗大觀中都水使者趙震得兩首龜於黃河獻以為瑞
 蔡京曰此齊小白所謂象罔見之而霸者也鄭居中言
 首豈有二人皆駭異而京獨主之殆不可測帝命棄龜
 於金明池。南齊書建城縣昌城內獲四目龜腹下有
 萬齊字。義典記君山廟下有池中有一足六眼龜
 宋志泰始二年八月丙寅六眼龜見東陽長山文如爻
 卦太守劉總以獻。南齊書長山縣王惠獲六目龜一
 頭腹下有萬歡字并有卦兆。清異錄唐故宮池中有
 一六目龜或出曝背人見其甲上有刻字微金髣髴如
 曰平福公古老傳是武宗王美人所養福猶腹也借音

而已 嶺南雜志六日龜出欽州只兩日餘四目乃金

黃花紋圓長中黑與真目排比 爾雅龜三足賁 正山

海經大苦山冬三足龜 疏龜三足者各賁 大明會典

暹羅國獻六足龜 農田餘話華亭夏椿義士家嘗蓄

一龜尾存十三支云是一千年生一支每歲冬作一木

匣以蘘草屑韞藏之凡若干年一歲將龜藏龜眼出淚

主寒歲遺火焚燎屋宅龜亦死 洞冥記元封三年鄭

過國獻能言龜一頭長一尺二寸盛以青玉匣廣一尺

九寸匣上豁一孔以通氣東方朔曰唯承桂露以飲之

置於通風之臺上欲往卜命朔而問焉言無不中 嶺

南異物贊係臂如龜生於海州欲先捕之必祭以求有

不信者風波覆舟 異物志龜屬也其形如笠四

足縵胡無指其甲有黑珠文采如璵璠可以飾物肉如

龜肉肥美可食

應劭漢官儀封禪壇南有玉盤盤中有玉龜

紀聞隋末廣州好事僧有三寶一曰神龜以銅爲之龜

腹受一升以水貯之龜則動四足行所在能去 述異

記東北巖海畔有石龜俗云魯班所作夏則入海冬復

止於山上 異苑餘姚縣倉封閉甚密而年年輒大損

耗是富陽縣桓王陵上雙石龜所食即斷毀龜口於是

無復虧滅 南部新書武德末文皇欲平內難苑池內

得白龜化爲石故登極後降制曰皇天眷祐錫以寶龜

事物紀原 唐時蔡州地裂大石龜出高五六尺廣表
丈餘 彙苑詳註南京紫金山即古之鍾山蔣山也高
皇陵寢在焉葬之時掘土數尺見一石龜頭頸長數寸
足尾口目儼然皆真今藏太廟久晴而腹下有水則雨
久雨而腹下乾則晴其異如此 事物紀原宋仁宗時
潭州夕雷雨平地湧出木龜高二丈圍一丈 金志天
會四年沐都大康縣一夕大雷雨下冰龜百數十里龜
大小不等首尾皆文皆具 雲烟過眼錄竹龜一迺以
老竹片製首尾四足皆他竹外來者竅小兩頭倍大可
轉動而不可知故用縱橫之竹繞理顯然背上負三接
碑牌一面兩側有轉缺二亦是外來之竹首大腰細不

知何法得入雖巧於製作亦罔測之或云鬼工也

籠

總論

周易離為籠

說文籠介蟲也

周禮春獻籠

養魚經魚滿三百六十則籠為之長而引飛出水納

籠則魚不復去

爾雅翼籠卵生形圓脊穹四周有脊

埤雅籠以眼聽穹脊連脊甲蟲也水居陸生 抱朴

子籠無耳而善聽

文子籠無耳而不可蔽精於明也

野記籠之所在其上必有沫水謂之籠津捕者以此

得之

物類相感志人之多遺忘取籠爪著衣帶中則

已 爾雅籠珠在足

禮記籠去醜注醜竅也

內則

不食雞籠註籠伏乳者

埤雅籠伏隨日謂隨日光所

轉朝首東鄉夕首西鄉也。〔彙苑詳註〕鼈生卵於水濱岸傍隔岸以目望日出入觀三七而成也。〔埤雅〕段成式云甲蟲影伏羽蟲體伏今鼈伏於淵而卵剖於陵此思化也。內典曰鶴影生鼈思生是則思生與影伏異矣。〔兩航雜錄〕鼈與蛇相為牝牡相為生化有人發沙穴見鼈與蛇俱鼈吞出取食迹在沙上蛇輒出為滅之鼈遺子蛇噓之輒成蛇久復為鼈。〔晉書〕鼈十四星在南斗南鼈為水蟲歸太陰有星守之白衣會主有水。〔珍珠船〕教舞鼈者燒地置鼈其上忽抵掌使其跳梁既慣習雖冷地間拊掌亦跳梁教龜鶴舞亦用此術。〔酉陽雜俎〕鼈為臠數食可長髮。〔化書〕世人皆言莧菹可以

割鼈。〔博物志〕青泥殺鼈得莧復生。劉鼈令如碁擣赤莧汁和合厚以茅苞五六月作投池澤中經旬齎齎成鼈。〔事林廣記〕鼈肉與莧菜同食生鼈疽與雞子肉同食惡病死。〔養生雜纂〕六甲白弗食鼈鼈有四目者獨目者白目者赤足者三足者腹下有小子王字天字者領下有軟骨如龜形者頭足不能縮者目凹陷者皆不可食。〔酉陽雜俎〕鼈腹下有三字者卜字者不可食。〔古今注〕鼈名河伯從事一名河伯使者。〔鳥獸考〕鼈一名神守。〔清異錄〕晉祠小池蓄老鼈大如食盤不知何人題闌柱曰裙襴大夫烏衣開國何元美後失鼈所在。〔水族加恩簿〕甲拆翁謂鼈挾彈於中巧也負

擔於外禮也。介冑自防，不問寒暑，知也。步武需緩，不踰規繩，仁也。故前以探甲尚書，榮其迹，顯其能，宜授金九。丞相九肋君。事物原始，按鼈一名甲魚，隔津而望，卯王斗朋賦云：鼈稱跋足從事。事物紺珠：鼈甲各黑龍衣。淮南子：朱鼈浮於波上，必大雨。物類相感志：朱鼈生海山中，大如錢，腹亦如血，在水中著人馬脚，皆令仆倒，刀刃不能傷，令人有媚。西京雜記：太液池中多綠鼈。朝野僉載：嶺南羅州辯州界內水中多赤鼈，其大如匙，而赫赤色，無問禽獸，水牛入水，即被曳，深潭吸血死，或云蛟龍使曳之，不知所以然也。溪蠻叢笑：沙鼈似馬蹄，食食物本草無希，而頭足不縮者，名納。

鼈。南越志：海中多珠鼈，狀如肺，有四眼六脚，而吐珠。易注：鼈九肋者勝。摭言：沅江鼈甲九肋者稀。白澤圖：一足鼈池精名鬚項。東晉發蒙記：鼈三足曰能。山海經：從水中多三足鼈，枝尾食之無蠱疫。說寶：弘治間太倉州有百姓買三足鼈，令婦烹之，既熟呼婦共啗，婦不欲食，坐門外良久不聞其夫聲，入視，只存髮與衣服在地上，驚怖號哭，里甲以婦謀夫訴官，知州鞫得其情，信為異物，或然名漁者捕三足鼈，得之即於廳上令婦烹治，出重囚，食畢引入獄，及門已化盡矣，所存衣髮皆與百姓同，遂宥婦罪。

鼈異

晉書：魏黃初中，清河宋士宗母化為鼈，入水。

湘潭記高郢夜課於豐亭忽見一鼈在案上視之乃石也郢異其事取于題散置箱中視令石鼈銜之以卜來事既而石鼈舉頭乃是沙洲獨鳥賦題果中其年首選
野記臯橋開酒肆人張海買鼈數頭投於釜中湯已三四沸海以為糜爛啓釜視之鼈昂首視海長吁數聲海大怪急擲於河中數鼈遊行蹒跚而去周書王會良夷在子注在子鼈身人首脂其腹炙之以藿則鳴曰在子

廣志鼈似便面山海經注鼈形如惠文冠青黑色十
二足長五六尺似蟹雌常負雄而行漁者取之必雙得

即吳都賦所謂乘鼈者也廣志鼈相負雖風濤終不解
鬚表錄異鼈骨眼眼在背上口在腹下雌常負雄而行若摘去雄者雌者即自止背負之方行腹中有子如菉豆南人取以為醬尾中有珠如粟色黃南海志
鼈在水中揭尾而行如帆號鼈吡番禺雜記鼈背有骨如扇乘風而行名鼈帆其窠如牌筏亦名鼈牌爾雅翼鼈背小無目得牝始行故又號鼈媚西陽雜俎
鼈南人列肆賣之雄者多肉舊說過海輒相積於背高丈餘如帆乘風遊行今鼈殼上有物高七八寸如石珊瑚俗呼鼈帆至今閩嶺重鼈醬其殼可為冠次於白角南人取其尾為小如意卑雅鼈藏伏沙上亦輒飛躍

常遠行迹數步如兔擺蹤皮殼甚堅然性畏蚊蚊小螿
 之輒斃又暴之日中往往無恙隙光射之即死嶺表
 錄異鬻雄小雌大置之水中雄浮雌沉燒其脂可致鼠
 雨航雜錄鬻形如覆釜大如車青褐色其血碧色口
 足皆在覆釜之下足有十二長五六寸尾勁而尖長二
 三尺有利能觸傷人尾中有珠南人或帶其珠或磨飲
 之云利市殼堅硬腰間橫文一線軟可屈陷每一屈一
 行牝牡相隨牝者背有目牡者則無牝去則牡死故海
 上稱婦女健壯操家者號為鬻五雜俎唐皮日休以
 鬻魚殼為樽澗峰鬻角內玄外黃謂之訶陵樽閩中鬻
 魚殼山積土人以爲杓入沸湯中甚便閩部疏嶺海

諸郡以鬻皮代杓歲省銅千餘斤事林廣記鬻魚小
 者謂之鬼鬻食之害人永族加恩簿長尾先生謂鬻
 惟吳越人謂用先生治醬華夏無敵宜授典醬大夫仙
 衣使者

格致鏡原卷九十四終

